

اداره خانه

باب عالی جاده سنده دائره مخصوصه

آبونه شرائطی

ممالك عثمانیه ده سنه لکی (۶۵)، التي
آیلغی (۴۵) غروشدرد. ممالك اجنبیه ده
سنه لکی (۱۷)، آلتی آیلغی (۹) قرانقدرد.
[ایضاحات: نسخه سی الی پاره، آلتی
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندرد.
§ آدرس تبدیلنده قرق پاره لک
پول کوندرملی در.
§ مسلكه موافق آثار مع المصنویه
قبول اولنور. درج ایدیلمه یین یازیلار
اعاده اولونماز.

کتابخانه

۱۳۳۰ ۱۳۳۱ ۱۳۳۲

دینی، علمی، ادبی، سیاسی هفته لک مجموعه اسلامییه در

اخطارات

رساله مزردن آلتدیغی کوسترلک شرطیه
بتون یازیلار هر هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولمسی و آبونه صره نومروسنی محتوی
بولونمسی؛

§

ممالك اجنبیه ایچون آبونه اولانلرک
آدرس لرینک فرانسزجه سی ده یازلمسی؛

§

پاره کوندردیکی زمان نه یه دائر اولدیغنک
واضحاً بیلدیرلمسی رجا اولنور.

مقصودینه مبتی اولدینی بیان اولنیور. حالبوکه خطییک مقصدی ینه پیغمبرلرک انذار و تبشیردن بشنه وظیفه لری اولمادیغنی کوسترمکدر. انسانلرک ازهرجهت امیدینی قطع ایله آنلری حامیسز براقق ایچون علاوه ایدیور: « دوام ایدمچک » محمود اسعد

فلسفه

عقائد اسلامیة

۲۸ - معنای توحید و مفار اولان شرک بطریق :

بوندن اولکی مقاله لرده بر تفصیل ایضاح اولندیغنی اوزره جناب حقک خلق و ایجاد خصوصنده هیچ بر صورتله شریکی یوقدر ؛ اسباب ظاهره نك و راسنده کی قوه غیبیه ، سلطنت قاهره یالکزر الله مخصوص اولدینی جهته تذلل و خضوعک اقضای غایبی اولان « عبادت » ده آنجق اوکا مقصوددر ؛ مخلوقات اوزرنده جاری اولان قوانین الهیه ، واسباب ظاهره نك فوقنده بعض کیمسه لرکده تاثیر اولدینی اعتقاد ایتک شرکدر ، کفردر .

اوت ، مخلوقاتک قدرتی خارجنده اولان شیلر اوزرنده اللهدن بشقه بعض کیمسه لرک ، بعض اشیانکده بر نفوذی ، بر تصرف و سلطتی اولدینی اعتقاد ایدرک اللهدن بشقه سنی تعظیم ، عبدک قادر اولدینی شیلرده اولنردن امداد ، نصرت و معاونت طلب ایتک محض شرک ، عین کفردر . چونکه کائناتده کی سلسله عضو یاتی تدقیق و تتبع ایدرسک بتون موجوداتک جناب حق طرفندن بر طاقم - لسان شرعه عاده الله تعیم اولسان - ابدی ، لایتغیر قانونلره دبط ایدلرکی کورورز . حکمانک قوانین طبیعی نامی ویر دکتری بوقوانین فطریه ، بوسنن الهیه هیچ بر زمان تبدل ایتمز : « سنة الله الی قدخلت من قبل ولن تجد لسنة الله تبدیلا » ، « فلن تجد لسنة الله تبدیلا ولن تجد لسنة الله تحویلا » بناء علیه تشبثاتنده موفق اولمق ایسته ین کیمسه لرک هر حالده قوانین طبیعی ، سنن الهیه یه توفیق حرکت ایتلری لازمدر ؛ قوانین طبیعی و عادات الهیه نك خلافنه حرکت ایدرک موفق یاتی بشقه طرفلرده آریانلر تشبثاتلرنده قطعیا موفق اولامیه جقلری کی ، بو حرکتلریله مخلوقات اوزرنده جاری اولان سنن الهیه نك ، اسباب ظاهره نك و راسنده بشقه عامللر اولدینی اعتقاد ایتمز اولدقلرندن بوضورتله حرکت ، شرکدن بشقه برثنی دکلدر . مثلا : حربده قوه عسکر یه دن بشقه شیلر ایله نصرت طلب ایتک ، خسته اولان بر کیمسه نك - الله طرفندن هدایت اولندیغمز ادویه یی استه مال ایتمکسزین - شفایاب اولمسنی ایسته مک ، دنیاو آخرتده مسعود اولمق ایچون جناب اللهک مشروع قیلدینی قوانین فطریه یی بر اقوبده بوسعادتی بشقه یوللرده ارامق ، کندیلری ده محتاج معاونت بر طاقم کیمسه لرک معاونتی ، دعاسنی طلب ایتک محض شرکدر ؛ بونلرک هبسی ده وتیلر ایله اونلرک طریقته سلوک ایدن یهود و نصارانک توسل ایتدیکی

فی الحقیقه اولیله در ؛ زیرا شفاعت طلب ایتک دعادر ، دعا ایسه عبادت قیلندن اولوب الله مخصوصدر . شفاعت اهل اولان بر ذاتک شفاعتی « اللهم شفعه فینا » (یارب انی بزه شفیع قیل) دیهرک ینه اللهدن طلب ایتمیلدر . لکن الله ولد اسنادندن حذر ایتمین بر خطیب نصرانی بویله طوغری بر نصیحت ویررمی ؟ آنک مقصدی افادات آتیه سندن مستبان اولور :

« زیرا آنلر آنجق مندرلر و مبشرلردر . روز جزاده آنلر کنه کارلره قارشو احبا و شفعا موقعی دکل آنجق خصم لرو شاهدلر . موتهی طوته جقلردر . » یعنی انبیانک وظیفه یی یالکزر انذار و تبشیردن عبارت اولوب شفاعت آنلرک ایشی دکادر دیمک ایستیور و شو باطل دعواسنی اثبات ایچون :

« ایشه تا کیداً شویله بیورلشدر »

دیهرک سورة اصرافدن بر آیتک یاریسنی اتیان ایدیور . ایلروده شفاعت دخی انبیانک ایشی اولدینی اثبات ایدمکمز دن بوراده خطیبمزلک عالمی فصل اغفاله جالشدینی وحد ذاتنده دلیل کندی علیه چیقدیغنی کوسترمک ایچون اوست طرفنده بالالزام مسکوت عنه بر اقدینی آیتلری کوزدن کچورمه من لازم کلور : « ولقد جئناهم بکتاب فصلناه علی علم هدی ورحمة لقوم یؤمنون » (قیامتی انکار ایدنلره پیغمبریمز بر کتاب یعنی بر قرآن کتوردی او کتابک آیتلری و احکامنی علم آلهمز اوزره تفصیل ایتدک ، بوقران ایمان ایدنلر ایچون هدایت و رحمتدر) « هل یظنون الا تأویله » (منکرلر قرآنک وعد و وعیدی طوغری چیقه جقمیدر ده انتظار ایدیورلر) « یوم یا تی تأویله یقول الذین نسوه من قبل » (آنلرک میدان ظهوره کلدیکی کون قرآنی دنیا ده ایکن انکار ایتمز اولانلر دیرلرکه :)

« قد جائت رسل ربنا بالحق فهل لنا من شفعاء فیشفعوا لنا اوزدفعنا لغير الذی کنا نعمل قد خسروا انفسهم و ضل عنهم ما کانوا یفترون (قرآن سورة اعراف ۵۱) دیمزک رسوللری بزه کرچکدن حقیقی کتیر دیرلر ، ایمدی عجا بزم ایچون شفاعت ایدمک شفیع لیمز وارمیدر ؟ یاخود عمل ایتدیکمزدن فرقلی صورتنده عمل ایتمز ایچون کیرو کوندربله ییلری بزه ؟ لکن آنلر کندی نفسلرینی دوچار خسار ایتدیلر . و افترا ایتدیلر شیلر آنلردن آیرلدیلر . »

البته اولیله سی آدم لک عاقبتی بوندن بشقه نه اوله بیلور . عییا خطیب نصرانینک الوهیت اسنادیله افترا ایتدیکی حضرت عیسی کندوسندن آریله جقمی ؟

« کذلک شویله بیورلشدر : رسلاً مبشرین و منذرین لئلا یكون الناس علی الله حجة بعد الرسل وکان الله عزیزاً حکیم (قرآن سورة نسا ۱۶۳) مبشر و منذر اولان رسوللر حقنده سزه خبر و بردک که او رسوللردن صکره آدم لک الله قارشو سرد ایدمک بر دلیل و جملری اولماسون والله عزیز و حکیمدر . » بزم ده کچن مدافعه مزده بیان ایتدیکمز اوزره « وما کنا معذین حتی نبعث رسولا » آیت کریمه سی موجبجه بر قومه تبشیر و انذار ایدیجی پیغمبر کوندردمکجه جناب حق هیچ بر قومه عذاب ایتمز . خطیبک اتیان ایتدیکی آیتنده بویله رسوللر کوندردمسی انسانلر ایچون « بزی ایمانه دعوت ایدن اولمادی » دیه حجت اقامه ایتک احتمالی قطع

اولیا اولسون - بشقه لرینک حاجتی بتریمک دکل آ، کندی نفسلری ایچون بیلنه مضرت، نه ده منفعته قادر دکلردر؛ دیگرلری کبی اولرده محتاج معاونت در. ایشته فرقان حکیم: «ان الذین تدعون من دون الله عباداً مثلاًکم...»، والذین تدعون من دونه لایملکون من قطمیر. ان تدعوهم لایسمعوا دعاءکم ولو سمعوا ما استجابوا لکم ویوم القیامة یکفرون بشرکم ولاینبتک مثل خیر»

بو بایده فضله ایضاحاته نه حاجت! سید الانبیاء، جناب پیغمبر بیله طرف التهمیدن شو صورتله امر اولمیدی؟: «قل لایملک لنفسی نفعا ولا ضرراً الا ما شاء الله ولو کنت اعلم الغیب لاستکثرت من الخیر وما منی السوء ان انا لا نذیر وبشیر لقوم یؤمنون»، «قل لایملک لکم ضرراً ولا رشداً. قل انی لن یجیرنی من الله احد ولن اجد من دونه ملتجداً الا بلافا من الله ورسالاته»

بو آیت کریمه لردن آکلاشیلیورکه جناب حق، رسول اکرم اقدیمزک ده وظیفه سی یالکز تبلیغه، انذار و تبشیر، حصر یدیور. بونلردن بشقه سینه قادر اولمادیغنی تصریح ایدیور. شمدی منصفانه دوشونه لم! بالذات حضرت پیغمبرک کندیسی ده ایسته دیکی کیمسه لری رشد و هدایته سوق ایتمه که تبلیغدن عبارت اولان وظیفه سنک اثری در - قادر اولمازسه، ناسک مضرت و منفعتنه ایسته مش اولدقلرینی احسان، یاخود منع ایتمه ناصل قادر اولور؟: «انک لانهدی من احیت ولكن الله یهدی من یشاء. لیس علیک هداهم ولكن الله یهدی من یشاء»، «وما ارسلناک الا مبشراً ونذیراً. ان علیک الا البلاغ». رسول اکرم اقدیمزک وظیفه سی یالکز تبلیغ، انذار و تبشیر اولدیغنه دائر بو قدر آیات کریمه نازل اولدیغنی کبی، کافه رسل عظام حق لرنده ده «وما ترسل المرسلین الا مبشرین ومنذرن فمن امن واصلح فلا خوف علیهم ولا هم یحزنون» آیت صمدانیه سی نازل اولارق اونلرک ده انذار و تبشیردن بشقه وظیفه لری اولمادیغنی ایضاح ایدلمش در.

ایشته حصر صیغه سیله وارد اولان بو قدر آیات محکمه الیه نه هپسی ده قطعی اولارق دلالت ایدیورکه: انبیاء کرام حضرتانک وظیفه لری یالکز تبلیغ در؛ جناب حق طرفندن تلقی ایلدکلری شیلری انذار و تبشیر صورتیه ناسه تبلیغ ایتمکدن بشقه وظیفه لری یوق در. بونلرک وظیفه تبلیغدن بشقه برده، دفع مضرت، جلب منفعت، توسیع رزق؛ ودها بونلره مماثل - دین دن انحراف ایدن کیمسه لرک پیغمبرلرک ده دوننده اولان اولیلردن طلب ایتدکلری شیلر کبی - خصوصاً الله ایلله قوللری اراسنده واسطه اولدقلرینی تصریح ایدن بر آیت بیله یوق در. بلکه بتون آیات الیه - شمدی ایضاح ایلدیکی اوزره - بو وساطت مسئله سنی بک صریح بر صورتده نفی ایتمکده در. کرک، صحابه کرام، کرک سلف صالحینک اعتقادلری ده بومرکزده ایدی باخصوص اولملر بیله کسبدن منقطع اولان موتایه نسبتله!

ا کر روح دین دن عبارت اولان شونصوص قطیعه الیه نه ظاهری اعتباری ایلله منافی اولان بر شیک کتاب الیه نه، سن نبویه موجودتی

شیلردر. اسلامیت، عادات و تینین دن اولان بونوع شرکی محو ایتمش، قدرت بشریه نه فوقنده اولان اموری یالکز جناب الله ردایش در. بو صورتله اسلامیت سعادتک رکن رکینی، اعمال بشریه نه قوامی اولان ایکی امر عظیمی تقریر ایتمش بوانیوردی: عبد، وسیله سعادتق اولان شیلری کندی اراده سی، کندی قدرتیله کسب ایدر. قدرت الیه بتون کائناتک مرجعی در؛ هرشی قدرت الیه نه آثاری در.

عادات و تینین دن اولوب ده توحیده مغایر اولان بونوع شرکک بطلانی ایسه هم عقلا هم نقلا ثابت در. عقلا باطل در؛ چونکه عقل، نظام بدیعه، قوانین ثابتیه صاحبی اولان بوعوالم واکوانه باقار، اونلرک ایچنده کندیسه ایجاد و تصرف نسبت ایدیله جک هیچ برشی کوره مز، بونکله برابر کائناتک بو صورتله وجودی - اولیه بعضلرینک قائل اولدیغنی کبی - مجرد تصادف و اتفاق نتیجه سی اولمق ده امکان خارجنده اولدیغنه قناعتی اولورسه؛ اوزمان، عقل یقیناً بیلیرکه: بوابداع و اتقانک مصدری آنجق بر «قوة غیبیه» در؛ هرشی یالکز اوندن صدور ایدیور؛ ایجاد ایلله اعدام ایلله، امداد و معاضه ایلله تفرد ایدن آنجق اودر. «قل کل من عند الله صنع الله الذی اتقن کل شیء خلقه ثم هدی»، «ربنا الذی اعطی کل شیء خلقه ثم هدی».

عقل بو صورتله بر علم یقینی حاصل ایتدکدن صوکره البته حکم ایدرکه: اسباب ظاهره نه وراسنده اولان قوة غیبیه زرده اولورسه اولسون مطلقاً هرشی آکا مخصوص در؛ کائناتده جاری اولان سنن طبیعی، قوای کسبیده اونک، وضع ایتدیکی شیلردر؛ بناء علیه سببیز بر شیشی. یدانه کتیریمک ده یالکز کندیسه مخصوص در. هر هانکی بر کیمسه نه الله دن بشقه سینه - سلطنت غیبیه نه شعورندن نشئت ایدن بر خضوع ایلله - تذلل و خضوع کو سترمی قطعیاً جائز دکل در؛ بو صورتله خضوع، عبادت آنجق الله مخصوص در. یاه جنی عباداتی الله تخصیص ایدرک نعم ایجاد و امدادینه شکر ایتک واجب در. ایشته عقل سلیمک ویره جکی حکم بودر. بو حقیقی بعض حکماده اعتراف و تصدیق ایتدیکی خالده بشریتک اکثریسی بوندن غفلت کو سترمش در. بونک ایچون درکه، بو حقیقی تلقین ایتک حصو صنده دینه احتیاج کورلمش در.

بونوع شرکک نقلا باطل اولدیغنه کلنجه: بو بایده وارد اولان نصوص بونی بک مکمل بر صورتده ایضاح ایتمکده در؛ چونکه قرآن، آجیق، بلیغ بر لسان عربی ایلله ندا ایدیورکه: بوتون انبیانک تلقین ایتمش اولدیغنی دین، دین توحید در؛ عبادتک یالکز الله مخصوص اولدیغنی بوتون ادیانده بیلدیرلمش در: «وما امروا الا لیعبدوا الله مخلصین له الدین»، «وما امروا الا لیعبدوا الله واحداً لا اله الا هو سبحانه و تعالی عما یشرکون» ایشته بوده کچن مقاله ده کی «اتخذوا احبارهم...» آیتک تتمه سی در. بو حقیقی تلقین ایچون بک چوق آیات کریمه وارد اولمش در. بونلردن صراحة آکلاشیلیورکه: کندیلردن بر طاقم حوایجک قضا ایدلمسی طلب اولتان کیمسه لر ایستر ملائکه، ایستر انبیاء،

قبر لره یوز کوز سورمک ایچون کیدیلیرسه بالطبع جائز دکل در .
نصلکه حدیث شریفده تصریح ایدلمش در ، ایسته دین آلهی بوندن
عبارت در . « فن کان یرجوا لقاء ربه فلیعمل عملاً صالحاً ولا یشرک
بعبادة ربه احداً »
آقسه کیلی

احمد صبری

تصفیه اخلاق و عبادت

ایچه بر زماندن بری ملتیزک جکرلرینه دوشن مهم بر قوردک قوتلی بر
صورتده توسیع دائرة سرایت ایتمک باشلادیکی کورولیور . بوخسته لنگ
اهمیتی اکلاشلدیکی و بوگون چکیلان مشکلاتک اساسی بتون او تشکیل ایتمکده
اولدینی بیلندیکی حالده بیلم نهدن تدوینسه لزومی قدر اهمیت و برلیور . قیمت
و مزیت ملیه منری کیرهمن ، شخص معنوی دولتی جکرکاهندن یا قالیان .
احوال روحیه ملیه منری بیلنمز ، اکلاشلماز برشکل غریب آلتنده اوچورومله
سوق ایدن اومرض مدهش ، اوعدو بی امان ، انجیق سوء اخلاقدر . قانونی
سلطان سلیم دورندن باشلایه رق زمانمز قدر دائرة سرایتی آرتدیره آرتدیره
نور فضیلتناوزرینه رسحاب ظلمت چکرک بر لفظ بی معنا کی ملتیزمی قیمتدن
استاطه حاضرئان اوچهره مخوف اخلاق بوزوقانی اولدینه شهنه منر قالمشدر .
(رأس الحکمة مخافة الله) حکمتک باشی جناب حقدن قورقق اولدینندن محافظه
حسن اخلاق اومرو نواهی بی بزه بیلدیرن قانون الهیه یعنی دیانتک چیزمش
اولدینی اومسلك صحیح وساله توفیق حرکتله قابل اولور . دولتی اک زیاده
وادی انحطاطه سوق ایدن شی کیتدیکه کسب و خامت ایدن بومرض مهملک ایکن
سلامت ماتی ایجاب ایدن اسباب آرمه سننده اهمیت بالنسبه کربده بر اقبلیور .
هر ملتک اشخاص فردیه سنه نسبتله فرقی بر احوال روحیه سی واردرکه ملت اونی
اکتساب ایستدیکي آنده حیاتی تازه لنور ، اوندن تباعد ایستدیکه شعله اقبالی
سوز ، منطقی اولور .

رکن صحیح حیات ملت اولان محافظه دیانت فوق العاده نظر اعتباه آلفنه
شایان برحقیتدر . بر علمک نتیجه سنندن استفاده او علمک تطبیقیله اولوب
سادهجه او علمک علوقندن بحث ایتمکله بر شی حاصل اوله میهنی کی اورویا
ارباب فنونندن بک چوقلرینک تدقیقات عمیقهری نتیجه سننده آنلری بیله تسلیمه
مجبور ایستدیرن حقایق علویه دینیهمزدن استفاده دخی انجیق احکام جلیله سننه
انقیاد و اتباعه تأمین ایدلمش اولور . بولازمه اصلیه نک وسائط اجراییه سی
استحصاله توسل ایتمک حکمت حکومتدر .

مشروباتدن هیئت اجتماعی بشرک دوجار اولدینی مضرت الیه و بوکا ابتلادن
حاصل اولان فجایع روزمره اورده پاچه پیش نظر دفته آله ورق بوخریب انسانیتک،
بودشمن حیاتک نیجه غدارانه سنندن اشای بشری محافظه ایچون نه صورتده
تشیثاتده بولندقلری و قالاک قلم نه بولده اتخاذ تدابیر ایلدیکری جمله نک معلومیدر .
ایسته اورویا دولتری بالتجربه مضرائی ثابت اولان شیلردن برر برر تجربده
کندی احوال روحیه لرینی و شخص معنوی لرینی فضیلت اخلاقیه لرله تزین و او
بولده یوکسک و حاکم بر موقع انسانیت اشغال ایتمکله جالبشددقلری بر صروده بز
اورویا مدنیتک نفسمزی اوقشایان بوکا مماثل لایمده بالدبزی زهر لریله و کندی لرینک
بیله مشتی بولندقلری بعض عادت لرله احوال روحیه منری تسمیم ایتمک روامیدر ؟
او ، فصل بیتک توکنمک بیلیمین تبعاتیه شرک خزینة علمندن استفاده
ایده رک رنک ملیسی له دار ایدبورسه هیچ اولمازسه بزه اولرک نتایج تدقیقاتیه
وجود بولان ترقیاتی قدرت بدنیهمزک ده جابوق نشو و نماسته خدمت ایدمک
بوفنون مترقیه بی اکتسابله برابر احوال روحیه منری احیاسی ده اونسبتده مهم
عد ایتملی بز . چونکه سعادت ملیه منر انجیق محافظه احکام دیانتله معنویاتمنری ،
قنون و ترقیات حاضریه و قونله مادیاتمنری تأیید ایتمکله قابل اولور . بری قوه

فرض ایدیلیرسه اوزمان اونی متشابهاتدن صایمق اوزریمزه واجب در ؛
اوت ، بونصوصه مخالف اولارق بولنمی مفروض اولان هرشی مطلقاً
متشابهاتدن در . متشابهاتک ده حکمی بوندن اولکی مقاله لرده بر تفصیل
ایضاح اولنش ایدی . مع مافیه ، قر آنده ، حدیثده بویله برشی اصلا وارد
اولمادیکی حالده الله بزم باشمزه بر طاقم انسانلری مسلط قیلدی که : اونلر ، کله لری
تحریف ، قر آتی کندی رای لری ایله تفسیر ایدیورلر ؛ اونلر ، عادات
و نیندن اولوب توحیده مغایر اولان بونوع شرکے توسل ؛ اولیالرده
وسيله نامی و یر یورلر ، صوکره بو وسیله نک - یعنی اسباب ظاهره نک
فوقنده اولان خصوصاتده اولیالردن نصرت و معاونت طلب ایتمک ،
اونلرک تربله لی اوکنده تذلل و خضوع کوسترمه نک - ده « وابتغوا
الیه الوسيلة » آیت کریمه سیله مطلوب اولدینی بیان ایدرک بوشرکک
بین الناس ترویجنه چایشورلر .

حال بوکه ائمه دین ، اونلرک مقام استدلالده کتیرمش اولدقلری
آیتده کی وسیله بی ایمان ایله ، عمل صالح ایله تفسیر ایدیورلر که قر آتک
بتون معناسیله شهادت ایستدیکي بر تفسیردر . بومعناجه اولان وسیله
بشقهرندن مطلوب اولدینی کی ، انیبالردن ، اولیالردن ده مطلوبدر :
« قل ادعوا الذين زعمتم من دونه فلا یملکون کشف الضر عنکم ولا تحویلا .
اولئک الذین یدعون یتغون الی ربهم الوسيلة ایهم اقرب و یرجون رحمته
و یخافون عذابه ان عذاب ربک کان محذوراً »

ایسته کوریلیرور که جناب حق پیغمبر لرینک وظیفه منی تحدید ایدیور ؛
بناء علیه اونلره اللهک بخش ایستدیکي شی دن زیاده بر صلاحیت و یرمک
بزم حدیث دکل در . پیغمبر لر بویله اولنجه بشقهر لرینک هیچ بر شیه
قادر اولامیه جقلری مستغنی بیاندر . کرک صحابه کرامک ، کرک سائر
علماء و اولیا اللهک تربله لی ، قبرلری اوکندن کچرکن بزه ترتب ایدن
وظیفه اونلرک روح لرینه برر فاتحه اوقومق در ؛ بشقه دکل .

ینه او پیغمبران عظامک و یردقلری خبرلردن اکلا یورز که :
الله بزه شاح طمریمزدن ده یقیندر ؛ اوحالده - تعلیم دینک غیری
خصوصاتده - الله ایله کندی آرامزده بشقهر لرینی واسطه قیلمایه
نیچون لازم حس ایدیور ؟ اعتقاد اسلامه کوره بزم ایچون بویله بر
واسطه یه هیچده لزوم یوقدر . چونکه : « فلا تدعوا مع الله احداً »
بیوران قر آن در . بزم استعانه ایدمکمز ، مدد و معاونت طاب
ایده جکمز یالکز الله در . زیرا هر کون متعدد دفعه لر « ایاک نعبد و ایاک
نستعین » قول صمدانیه سیله کندیسنه مناجات ایدیورز .

اما ، کرک انبیاء ، کرک ورثه انبیاء اولان مرشدینه تعظیم ایتمک
خصوصنه کلنجه : بو انجیق اونلره اقتدا ، اونلرک اوزرینه صلاة سلام
ایتمک کی جناب حق طرفندن ماذون اولدینمز صورتلر ایله اولور .
بونلرک قبرلری زیارت ککنجه ، رسول اکرم بوندن منع ایستدیکي حالده
بالاخره اولومدن عبرت آلمق ، آخرتی دوشونمک مقصدیه زیارت
قبوره اذن و یرمشدر ؛ فقط ، مقصد بو اولملی در ؛ اگر بومقصد ایله
کیدلزده قبرلرک باشنده بر طاقم شیلر طلب ایدمک ، اوراده نماز قیلیمق